

兩浙鹽法續纂備考

第十冊

卷十

條案一



同治二年浙江通省牙釐總局司道爲酌議變通
章程疏銷助餉詳請示遵事竊照浙鹽引地開設
醬園均有行銷官鹽之責向由本商憑同保商出
結陳明缸數認銷鹽引由運司衙門核明詳請鹽
院批准給發烙牌開張迨經兵燹之後醬園既多
殘燬烙牌亦多遺失以致停業待牌無處呈請茲
浙地漸次肅清民思復業擬請畧爲變通以順商
情藉資助餉援照牙行請帖成案改給執照仍分
別繁盛偏僻按缸酌定捐數由局刊印空白執照

呈請蓋用鹽院關防預發甯紹總局暨本局收存
凡開設醬園者令其各就地方官鹽府局呈遞保
結繳清捐銀詳解通省暨甯紹總局驗明文結兌
收捐項填給印照隨詳批發執業開張該商就近
於通省及甯紹總局捐請悉聽其便如有前領烙
牌繳驗補請執照確切查明實係原人原地及嫡
嗣者准其減半交納以示體恤當卽督飭局員酌
擬變通給照新章六條繕具清摺並同照式一併
備文詳送仰祈俯賜察核批示以便刊頒移行一

體遵照辦理奉鹽院批據詳已悉各處銷鹽以醬園爲一大宗自應按釭令商人捐請執照庶每年行銷有定額可稽不致買私漏引所陳各條尙屬可行除飭知甯紹總局溫處道外仰卽分飭各府局一律遵辦可也

章程

一開設醬園向給烙牌應變通給照也各屬銷引地方開設醬園均有行銷官鹽之責是以定章憑同保商出具保結陳明釭數認銷官引由運

司衙門核准造冊詳請鹽院給發烙牌方准開張年終仍由委員輪流抽查以杜私增釭隻漏銷引鹽之弊迨經兵燹以後醬園殘燬過半烙牌諸多遺失間有開設者非移地另開卽人店互易其原人原地原店者甚屬寥寥茲浙地漸次肅清民思復業無烙牌之可據商情踴躍宜變通以相成擬請飭知應銷浙江官鹽引地凡報充開設醬園之商令其邀憑保商出具保給呈請執照分別填註有無原請烙牌一律給照

開張其執照由局刊刷空白詳請蓋用鹽院關
防頒發下局隨時填給以昭慎重而專信守

一行銷官鹽仍照舊章定數派令承銷也現在整
頓鹽務清理課捐之際是以改引爲票以疏商
源而濟軍餉查醬園行銷鹽筋本有定數每正
缸一口每年應銷鹽五百七十觔不得銷有短
絀以重鹺政乃以日久混淆缸多銷少夾私漏
引之積習日甚一日而實力奉公之商亦復不
少茲已改行票鹽如金衢嚴徽廣各屬引地均
委專員設立府局並招商捐請牙帖開設鹽行
督售便商查核銷數嗣後請領執照之新開醬
園務須赴局報明缸數指定售銷何行商鹽計
缸核銷以杜短絀而免影射

一請領執照分別捐輸藉充軍餉也訪查向來請
領烙牌輾轉呈領不特稽延時日而且耗費孔
多現在商民急公向上無不爭先恐後自應俯
順商情從其所請以資貿易惟現值需餉浩繁
之際自應酌量捐輸以裕餉項凡請執照開設

醬園者擬照牙帖成案分別繁盛偏僻其繁盛之區每缸捐銀五兩偏僻之區每缸捐銀四兩如缸數在百口以上者按照捐數酌減二成收捐仍以一正缸兩副缸爲則按正缸計數收捐繳清捐項填給執照開張一面行知地方官頒發告示補詳缸數以備稽查如原請烙牌尙在并實係原人原地原店者酌減五成收捐以示體恤而昭區別

一 頒給商人執照迅速就地填發也自賊擾以來

來居民類多遷徙旋經督帥多方籌勦商民賴以乂安惟醬園一項以烙爲重現各商民亟欲復振舊業紛紛來局查詢可見該商等志切奉公情殷貿易未便稍事因循致有遲滯擬請就近或赴通省總局並甯紹總局呈請或由各府局轉詳填給悉聽商便所有空白印照請分頒通省總局及甯紹總局收存凡各府局請領者甯屬歸甯波總局紹屬歸紹興總局金衢嚴徽廣歸通省總局仍須查實繁盛偏僻缸數繳清

捐項方能填發印照以重款項而昭核實

一醬園請領執照宜分別邀憑保商以重銷額也現因運司衙門文卷無存商賈立待復業未便久羈是以暫改給發執照先行開張以期便商裕餉而濟民食凡有新開醬園之商應憑保商請領執照其保商自應責成請帖之鹽行以重銷數惟該鹽行不得勒指留難阻滯捐務總宜切實具保亦不得率意含混致礙疏銷並受波累各地方官尤宜曲加體恤妥爲照料倘有刁

劣棍徒無引廢商因此藉端詐擾阻撓捐輸立卽從嚴懲辦勿稍縱寬以安商業而廣軍儲

一商人呈請執照宜嚴禁指捺需索也商民旣已輸誠報効必須辦理迅速事無阻滯尤應嚴禁需索以恤商情如有書役人等故意指捺留難並於查釭轉詳填照等事藉詞招搖從中需索絲毫使費者許該商指稟或別經告發或被查出從嚴究懲決不寬貸其溫處台等並請飭知仿照議辦以裕軍餉而歸畫一

同治二年會辦局務甯紹台道總辦紹興府鹽茶
釐稅府局候補道稟爲案奉憲劄以浙省餉源在
甯紹兩府鹽茶絲棉及內地土產外洋貨物獲利
甚饒自應籌抽釐捐以佐軍餉該道到任已久熟
悉情形江西候補道胡光墉於浙江貿易情形最
爲熟練所有應設局卡地方及正收欸目飭卽會
同酌議稟候核示等因奉此遵查浙江鹽務邇年
以來私鹽徧地官引滯銷疲壞情形日甚一日現
在浙東雖已肅清元氣已虧竈戶因竈舍被燬無

從煎鹽商人則家產蕩然無力捆運困苦情形不
言而喻職道等前奉劄委督辦嚴紹鹽茶釐稅遵
卽擬具章程稟送茲復細心商酌並查紹屬六場
向有季鹽沙鹽住鹽肩鹽四項惟季鹽銷數最多
銷地最廣是以原定課銀較重其行銷金衢嚴及
廣信徽州各地必由富陽經過該處尙爲賊踞商
人懼怯在所不免現議設法行運先須體恤商情
果能暢行無阻運銷獲利抽收釐金自必樂從職
道等於前稟各條曾已議及茲復囑胡道光墉擬

具章程覆加核議意見相同會同稟祈察示行禮惟

鹽務情形各場各地不同或有未盡事宜及須酌改之處容再會商隨時稟辦其金衢嚴及廣信徽州等處設立官鹽分局責任較重似須遴選正派幹練之員駐局經理容再公同商酌指名稟請專劉委辦至茶餉一項以紹興一屬而論平水最多現於郡城設立總局抽收釐捐尙有台州及新昌嵯縣之茶可以逕赴甯波出口雖爲數無多自應一體抽收百官鎮係必由要道已於該處設立茶

捐分局就近收捐至絲餉一項湖州最多嘉興次之紹興又次之且育蠶種桑之家每於秋冬之交灌溉培土來春發芽葉肥而嫩自被賊擾以後桑株削伐過半存者亦失於培植加以本年二三月間陰雨連綿天氣寒冷頭蠶收成僅有三分二蠶三蠶收成難必察看紹絲今年爲數無多查絲茶兩項因其行銷外洋故從前抽收稅捐較重約計成本皆在一成以外此時似難再加惟係洋人必需之貨售路既廣抽捐稍增則於餉項有裨職道

等再三商酌擬照前收稅捐各欸之外絲則每包
加捐錢三千文茶則每引加捐錢一千文以濟軍
餉合將鹽茶絲各項所議章程及抽收稅捐銀錢
分開清摺三扣肅泐稟呈仰祈察核批示祇遵實
爲公便

鹽公財

長開部駁三州鹽商稟呈仰祈察核批示祇遵實

酌合科鹽茶絲各項所議章程及抽收稅捐銀錢

分開清摺三扣肅泐稟呈仰祈察核批示祇遵實

爲公便

同治二年紹興府鹽局奉鹽院批本局稟會議辦理甯紹鹽茶絲章程及抽收稅捐銀錢開摺請示由奉批據稟已悉所擬季鹽代引印單及行運章程十四條並續議章程五條均屬妥善仰卽照式刊刻實力奉行肩鹽執照准卽由該局刊發

章程

一向章紹鹽均有認商引名現當兵燹之後或有商無引或有引無力固當變通改票招商行運惟鹽引向由部發現雖改票究宜由鹽院蓋用

兩浙鹽法續纂備考

卷十 條案一

十

印信頒發總局以昭慎重俟運商赴局請領由總局填註引數及運銷府局加蓋關防給發擬以五十引起票若定限太多恐商人力量不及定限再少未免太覺零星

一向章商人赴場捆鹽以引爲憑現既改行局票須於商人領票時由紹郡總局先將請領引數日期劄知場員及認銷府局並知照掣鹽官該場員核明局票照數捆給卽將商人所執局票截角留場由場換給局發聯單以憑起運候掣

凡運往金衢嚴及徽州廣信者均由蕭山縣所前經過歷來運司分司掣鹽均在此處滙總但年例僅掣四次刻下改票總以便商暢銷爲主擬於所前設立掣鹽局稟請鹽院派委鹽務廉幹之員常住局中隨到隨掣數相符將聯單易予護照行運免致稽延如行運徽州者卽劄知威平卡行運衢州廣信者卽劄知西安卡以便抽取護商經費並移知省局以備稽查

一向章運鹽先完課銀故例須殷實之商方准承

認現值匪擾之後情形拮据大率相同若措備鹽本外又須釐課兩清恐有力量不及轉多觀望擬令商人於總局領票時先繳課銀釐金一半其餘一半釐課俟到地銷畢後由府局扣收按月批解總局彙收迨收有成數卽令分批起解如有殷商於赴總局領票時願將釐課及護商經費先行全繳者應聽其便全繳後卽由總局於代引票及聯單內註明另蓋小戳於後至認銷府分但驗明引數不得再抽釐課

一向章商人運鹽到地各府均有總鹽公堂以爲寄儲之所卽由公堂定價輪銷現在既無認商此舉無人承辦兼以金衢嚴及徽廣等府均遭蹂躪覓屋維艱該商人地生疏無從寄頓擬請於金衢嚴及徽廣等府各設鹽局總須貼近水口之地凡商鹽到府起存府局由府局定價挨次輪銷其有商人不願起存府局者稟局查明後願交鹽行發賣應聽其便

一向章季鹽每引三百三十五觔後奏明以三百

五十五觔爲一引外加滷耗耗鹽不敷致有重觔之弊現在創始改票總宜於商有利庶能旺銷旺捐故耗鹽似宜從寬凡運金衢嚴者水路既遠又需時日其中偷蝕勢所不免擬每引准加耗鹽二十觔運徽州廣信者由水路至陸路改大包爲小包路程更遠折耗愈多擬每引准加耗鹽四十觔均以三百三十五觔報納釐課倘正耗之外掣有重觔將鹽全數作罰以六成充公四成充賞該場員分別記過撤參

一向章紹所均是官鹽與私鹽盛行之地有別其私鹽盛行之地本無鹽課可收因抽其釐金化私爲官紹所既係官鹽例有課銀可收若僅收釐金竟將鹽課名目停止既乖體制將來承平之日更正轉形不便但金衢嚴及徽廣各府課銀例定多寡不同現擬課銀少者釐金加重課銀重者釐金從減總約計每鹽一觔收釐課錢十二文

一 鹽船出港應於富陽窄溪嚴州三口設關盤查

一 現已設立釐卡應卽責成釐卡委員稽查不必多耗經費另設鹽卡

一向章住鹽出紹屬之金山一場運銷新昌嵗縣上虞三邑但向由曹娥蒿壩就近行走故歷來均在曹娥地方過秤現雖改票應仍舊辦理在於該處設局委員監掣仍以四百觔爲一引但金山場竈距新嵗上地頭不遠易於私販釐課似宜稍減約計每鹽一觔酌收錢八文責令於赴局領票時全數完納清楚以免周折

一 向章紹屬肩販鹽觔出於東江錢清曹娥金山石堰五場行銷山陰會稽蕭山餘姚上虞五縣以八百觔爲一引每日定銷百觔限以八日挑銷逾限卽以私論向給籌牌爲憑自遭賊擾以後人多遷徙死亡籌牌遺失不全現已飭場招募舊時籌牌一概勿用仍由場造具肩販花名冊呈送總局由局另換葫蘆式樣腰牌填明年貌籍貫蓋用烙印爲記發場轉給以別真僞並傳齊向燒肩鹽各竈戶令其每出鹽一觔繳捐錢四文查竈戶煎鹽一日計四千觔應令繳捐錢十六千文一面飭知各場員將竈戶煎鹽盤數按旬申報捐款仍由竈戶自解總局庶得有總滙免致散漫無稽

一 向章諸暨義烏浦江三縣銷鹽甚廣但諸暨毘連山會紹城肩販成羣結隊私運前去者不計其數現在改行票鹽不先將運往諸義浦三邑之私販設法禁止紹鹽釐課難期起色查山會諸暨交界之破塘婁公漓渚阮江四鄉鎮皆山

一會肩販運私入諸暨要路過此無可稽察且各肩戶每藉口以爲山會地頭分所應販流樊叢生擬於前四鄉鎮各立鹽卡凡肩鹽過卡責令每觔完釐金錢八文連前抽四文共計十二文與季鹽所抽之數相符以杜其越界侵銷之弊則諸義浦三邑票鹽自然日有起色矣

一向章掣鹽均頒官秤現擬定較準庫平十六兩大秤十七桿每桿以四百五十觔爲率總局曹娥局掣鹽局各存一桿金衢嚴徽廣五府各存一桿窄溪嚴州二卡各存一桿其餘六桿頒分紹屬六場不得畸輕畸重以昭平允

一向章商人運鹽到地應將所執程單由該處地方官截角繳銷現在沿途既改用護照商鹽到府查驗鹽照相符俟銷畢後即將護照送鹽局截角存留按月彙繳至商人所領局照於捆鹽時已由場員換給聯單其扣留在場之照卽應由場截角按月申繳

一向章商人完課例應隨納耗銀今改行票鹽抽

收釐金并收正課此外雜費一概革除現擬收課銀一兩帶收耗銀一錢以五分隨正批解作爲上下鹽務各衙門書識辛工紙張飯食辦公之用以五分留作各處局用核實造報如有盈餘儘數批解

一由局刊刻運鹽執照季鹽每引收照費錢八十文住鹽每引收照費錢四十文肩鹽每引收照費錢八文收有若干按月具報批解

一季鹽釐課每觔抽收十二文外其運往徽廣金衢嚴等府沿途須派礮船梭巡以護商旅應於正釐課外每觔再抽護商經費錢五文運往徽州者由經過之淳安縣威坪釐卡驗收運往衢州廣信者由經過之衢州西安釐卡抽收運往金華嚴州兩府者免抽以示體恤

一請飭總局行知各府縣選擇殷實之商承充鹽行令其請帖開張承銷官鹽由行轉售各鹽舖悉聽其便惟各處鹽舖須由官鹽行報明府局請給總局諭單方准開設分銷官鹽仍由府局

委員察看鎮市大小分上中下三等上則捐錢七十千文中則五十千文下則三十千文此外不得絲毫需索

一 紹所住鹽僅銷新嵎上虞等縣在曹娥地方過掣情形與季鹽本不相同倘有認商承認祇須釐課有著應請責成認商以免周折其原定每觔釐課錢八文不給滷耗現擬責成認商將釐課完納原定耗錢卽予免抽肩鹽數目零星應按照每年額數責成竈戶收捐以免遺漏

一 諸暨義烏浦江三縣貼近紹所雖歸金紹統轄向係另立諸義浦地頭名目現若責令赴金華府局折賣鹽觔勢必避遠就近非販買私鹽卽溷入肩住以圖取巧但該處銷數最廣應請另立金華府分局凡商人願赴該處銷售者仍由總局給與買單註明投赴金華分局銷售字樣方爲妥善且該處本須設卡一舉兩便

一 現行章程各府縣分開官鹽牙行領銷官鹽此次酌行票鹽而各府縣因兵燹之餘間有未能

一律請帖開設者今擬由省局飭催各府縣令
其趕緊勸諭本地殷實之戶捐領牙帖開設鹽
行如有實在瘠疲之區一時無力領帖者暫由
該管府局於該縣地方仍照官鹽行例設立鹽
局分銷票鹽以便民食俟本地有人開設鹽行
卽行裁撤

同治三年兩浙鹽院劄捐輸牙釐總局知悉據兼署運司具詳杭嘉議改票運先經署司酌議章程詳奉本部院批准刊刻成本通行遵照在案查杭所引地向與嘉松紹三所配掣現議杭所票課每引二兩四錢與嘉松各所尙不甚懸殊惟紹局每劄收正耗十三文二毫商人趨利若鶩勢必全運杭所票鹽赴紹之金衢嚴徽廣等處行銷於甌務不無窒礙現雖尙無其事不能不預爲籌慮謹擬章程十六條除紹所分地定數一條之外其餘與

原刊章程大致畧同詳候鹽核示遵等情到本部院據此除批據詳各條尙爲妥協仰卽照此次所擬章程辦理並候咨明江蘇撫部院暨飭捐輸牙釐總局查照外合亟抄摺劄知該局卽便查照毋違

章程

一 杭所鹽課擬請各就各地分別完納以昭公允也查杭所鹽劄引地最廣與嘉松紹三所相間配銷惟各地鹽價高下不等自應分別完課以

杜取巧之漸今擬行銷杭湖以及蘇常鎮廣建各府州者每引抽收正雜課銀二兩四錢以現在銀價約計與嘉松現議改票章程每觔抽收課釐正耗錢八文八毫數尙不相上下其行銷金衢嚴徽廣各府者仍照紹所票運章程每觔抽收課釐正耗錢十三文二毫如此分地定數變通扣收則商人配鹽運銷不致畸重畸輕事既一律可免藉口

一鹽引觔數擬請循照各所定數分別酌定以歸

一律也查各所鹽觔多寡不一浙西各所向章每引三百七十五觔今擬運銷杭湖以及蘇常鎮廣建各府州者觔數仍循其舊並與嘉所鹽引觔數相同其運往金衢嚴徽廣各府者請照紹所之式每引捆配三百五十五觔庶各府局按觔計算事歸一律便於稽核不致錯誤

一酌加耗鹽宜分路之遠近以定多寡也紹所改票行運嘉松兩所現亦試辦因念兵燹之後商力維艱滷耗虧折在所難免均於每引正鹽之

外酌加耗鹽以示體恤杭所事同一律擬請運往杭湖蘇郡各府州縣關內各地每引准加耗鹽二十五觔常鎮關外以及廣建各地路途較遠每引准加耗鹽四十五觔運往上游金衢嚴者援照紹所之式每引准加耗鹽二十觔運往徽廣者每引准加耗鹽四十觔以示區別

一商人請票捆運應令其先課後鹽也嘉松紹三所改行票運係令先繳一半課釐到地銷售後再由府局扣繳一半固屬格外體恤亦由商情

未便所致杭所地居省會商賈聚集措款較易與他處之偏處一隅商人攜資前往守候捆配者有間且其引地較廣銷售必速又准其三十引起票與別所之限五十引者更復不同應請仍符舊制責令完清課銀再行運鹽

一商運買單護照請仍蓋用鹽院關防以昭慎重也嘉松紹三所改行票運買單護照皆用鹽院關防杭所事同一律擬請援照辦理

一商運買單護照請由運司填發也商人捆運杭

所鹽筋先赴運司衙門呈明捆配何場鹽若干引認赴何府投局銷賣卽於具稟時繳足課銀由運司衙門填明買單交給該商赴場捆鹽並將護照發交掣驗之員收存俟其運鹽過卡掣驗筋數相符卽將買單收回呈繳換給護照執運一面行知認銷府局俟運鹽到地卽與各所鹽筋起棧編號挨次輪銷

一 杭所課銀請收存運庫仍按月冊報以備稽核也嘉松紹三所非係外府卽屬鄰省運司經收

不便故專委大員分往督辦杭所近在省垣遇有商人運鹽繳課卽由運司衙門兌收存庫按月造具清冊申送鹽院查核其課銀應如何撥解之處聽候鹽院示遵

一 杭所鹽筋完納課銀內地卡隘請免抽釐也杭所場鹽運往金衢嚴徽廣各府者已照紹所章程每筋抽收課釐正耗錢十三文二毫其運銷嘉湖廣建蘇常鎮各府州縣者每引完納課銀二兩四錢核與嘉松兩所按筋抽收課釐數亦

相埒經過卡隘不再抽釐仍請鹽院咨明江蘇撫部院轉發各釐卡一律遵照以示體恤

一商鹽到地由府局起棧編號發行挨次輪銷也從前商人運鹽如有坐銷引地各地設有公堂以備存鹽之用現議改行票運商鹽到地卽行投局起棧按照先後運到日期編號挨次輪銷如有同日到地則以投局遲早爲定其鹽價之高下卽由府局隨時酌定懸牌曉示以昭公允而便商民

一請明定罰規以杜其重劬弊混也各場及掣卡所用鹽秤擬請仍用從前奉頒部秤較準添釘分發應用各商捆運票鹽除照章核給耗鹽外如再秤有重劬應由掣員據實具稟以便將場員撤參鹽則六成充公四成給賞如掣員與場官扶同弊混經認銷府局查出卽將掣員與場員一併撤參倘鹽無重劬過卡掣驗有意留難准該商人就近赴地方官衙門稟請查究

一官鹽行須令請帖官鹽店須令領照以便互相

稽察也紹所鹽勛運銷金衢嚴徽廣各府者試辦年餘大致已定鹽行鹽店各處皆已領帖領照開張嘉松甫議舉辦浙西鹽行鹽店如何請帖領照現在另爲定議惟浙東浙西鹽價不一行用自有多寡浙西鹽價稍輕行用隨價而少其領帖正項亦應變通捐收以昭公允今擬運銷浙東上游各府者則照紹所章程辦理運銷浙西下游各府州縣者則照嘉松兩所另議章程辦理以順商情而歸一律

一嘉松紹三所定章以五十引起票杭所引地較廣路途遠近不一議改以三十引起票以期便於周轉

一向來配商各有認銷引數此時議改票運無論新商舊商但經繳定課銀卽准給票行運以納課之先後爲捆掣之次序不准紊越撓壓以昭公允

一向來掣鹽由運司按季親臨監掣現在改行票運自應隨到隨掣以免稽延杭所票鹽飭令杭

州批驗所大使移駐要隘適中地方掣驗如引
數與筋數相符卽刻放行仍將某商運鹽若干
係某日過卡按旬申報查考

一暢銷引地票商輻輳若偏僻地方票運不行久
久遂成廢地且私販充斥更復漫無稽考應由
各該縣出示招集本地殷商赴司承運以免懸
廢并查明各地城鄉現開醬坊共有幾處造具
釘口清冊申送以憑稽核銷數如敢稍售私鹽
照例究辦

一河莊沙鹽向有杭所商人收買運往湖州廣德
州各地搭銷近因無商收買遂致私運北渡由
海甯州屬之華家衙一帶過塘侵入殊與商銷
大有關礙現在黨山沙鹽已由紹局收買按成
搭配所有河莊沙鹽如有殷商情願收買者准
其呈明給還收買一體按成搭銷仍劄飭海甯
州營兵捕實力巡拏照章充賞仍不得藉端滋
事

同治二年八月浙省牙釐局奉鹽院批據詳覆議
各條尙屬周妥候飭運司暨總局轉飭各場局卡
一律照辦其行銷蘇松常鎮太鹽觔向以浙課江
釐並納此次改票仍應與蘇省通籌合辦所有該
四府一州課釐卽由上海總局彙有成數以一半
解交浙省一半解交蘇省其行銷各地已經掣驗
之鹽內地關卡卽概不得重捐除委段前臬司前
赴上海督辦外其上海總局並候咨明蘇撫部院
派員會同浙省委員照章妥爲辦理繳摺存

章程

一擇地設局以期總彙督銷辦公周密也查嘉湖
廣建蘇松常鎮太各屬皆係浙鹽引地濱海沿
江私鹽充斥議行票運事有專責應請於上海
縣地方設立督辦浙西官鹽總局總彙文案稽
核收解其行鹽府州各設府局州局稽查督銷
核收課項其蘇省之吳淞瀏河福山張家厓七
鴉崇明等各海口係岱鹽入口之路嘉屬之澈
浦乍浦等口亦係岱私紹私入嘉之門戶擬於

各海口設立掣驗口卡其餘海汊甚多隨時查
有要口酌設分卡岱山有海洋之隔商人領照
維艱應請卽於岱山地方設立給照報運局並
於該處業鹽戶中舉選公正之人派充局董以
資襄理嘉松場鹽商人領照請運嘉興歸嘉郡
釐捐總局兼管松江歸該府局兼管紹興之餘
姚等處亦有私煎岱鹽旣已准行票運紹私事
同一律亦應併辦商人領照請運卽歸紹郡鹽
茶釐稅總局兼管以節糜費至各場竈在各海
口以內者口卡無從稽查應請派員會同各場
官察看鹽觔出場之扼要地方設立內地掣驗
卡至常鎮所屬之鎮江丹徒丹陽小河孟河江
陰靖江等沿江各口淮私一水可通府局難以
周顧應於該各口分設巡私局仍歸該府局督
查以專責任而期周密

一商運執照領存上海總局分撥嘉松岱紹各局
轉給並照紹鹽章程請蓋憲印以昭慎重也查
商人認運鹽觔先由上海總局詳請鹽院蓋發

印信執照下局分撥嘉松岱紹各報運局存儲
俟認運各商赴局報明引數及行銷府分先繳
課釐一半卽由局報明上海總局知照所過掣
卡及認銷府局一面填註印照截去第一角加
蓋關防悉照紹鹽新章以五十引起票發商憑
照配運捆場鹽者先行飭知該場員核明照數
捆給卽於照內填註日月起運字樣截去第二
角加蓋場印給還原照該商憑照過卡掣驗相
符亦於照內填註日月查驗訖字樣截去第三

角加蓋該卡鈐印仍給商收執運抵認銷府分
投局報明查驗相符截去第四角復加該府局
關防按到地先後月日發官鹽行挨次行銷扣
還一半課釐收回印照按月彙繳上海總局繳
銷備案捆岱鹽者卽於岱局報明引數及運經
何口行銷何地先繳課釐一半或憑殷實保商
出具保結至卡補繳課釐卽由岱局給照填註
月日起運字樣報明上海總局知照經過之卡
及認銷府分俟該商運到驗掣相符或有補收

課釐者另給收照分報岱局滬局於印照內填註月日某卡查驗訖字樣加蓋鈐印放行運赴認銷府分報局查驗相符復加關防發官行揆銷扣完課釐各處截角如若前捆紹鹽者除課釐照場先繳一半外其餘悉照岱鹽一律辦理以符定章

一嘉松場鹽課釐請照紹鹽酌量核減也查浙西鹽務各私侵灌情形較重迥非浙東可比引地既廣沿海臨江之處尤多向因淮私侵銷歷經

奏飭整頓總難禁絕嗣後定岱私鹽渡海內灌遂至官不敵私引課幾廢積習既久近更充斥販者罔知法紀食者相習成風推查其弊由於岱私本輕而場產本重場鹽有柴滷之耗其價昂岱私則日曝成粒無煎熬之費其價較賤茲當試行票運之初尤應平價恤商藉以敵私而疏竈產否則徒有整頓之名恐無實收之效擬請援照紹鹽情形酌量核減每觔收課釐錢八文以示體恤至嘉所肩引悉照紹章一律辦理

一請酌減進口鹽觔課釐以杜以多報少之弊也
查上海現辦江釐浙課各口每鹽一觔抽收江
釐錢十文浙課錢十文共合錢二十文較諸紹
鹽抽收錢十二文之數爲數懸殊商情苦於重
捐乃以數觔報作一觔不特課釐有名無實抑
且仍蹈違例重觔之積習現定新章自應恤商
除弊以廣招徠而收實效查嘉松場鹽成本較
重其課釐應照另議專條每觔扣收錢八文隨
繳耗錢八毫岱鹽成本較輕應請將進口岱鹽

酌減課釐每觔共收課釐錢十文隨繳耗錢一
文以示體恤通飭各局卡計觔核實辦理並請
鹽院飭發從前運司奉頒部秤下局較準分頒
各局卡執守除照章核給耗鹽外不准再有重
觔以符定例

一抽收課釐由上海總局分解江浙兩省也現定
條款岱鹽紹鹽每觔抽收課釐錢十文耗錢一
文場鹽抽收八文耗錢八毫彙報上海總局按
旬開摺報查分別劃解內除各局卡撥給公費

薪費按月造報外所有蘇松常鎮太課釐彙有成數由總局分解江浙兩省一作課欸一濟軍餉

一酌加耗鹽宜分別路途遠近以定多寡也岱鹽運銷嘉松二所者仍遵向定引數捆配嘉所每引三百七十五觔松所每引四百觔凡運往蘇松太嘉者每引擬給耗鹽四十觔運往常鎮者每引擬給耗鹽六十觔松所場鹽運往松太及崑新常昭者每引擬給耗鹽四十觔以示區別

一商運岱鹽有海洋之險應僱輪船以資保衛而兼巡緝也查岱山遠隔重洋又係私鹽出沒之所商人攜帶資本前往捆配必須設法保衛以重票運擬請僱備火輪船一隻於岱山口岸一帶周歷梭巡護商緝私所有經費先由總局籌欸支發俟票運暢銷再行酌定其商販運鹽應概用江浙沿海船隻以便稽查違者照章處罰

一商運岱鹽完繳課釐請變通辦理也查商行票運原應先完課釐方准捆配其場鹽悉照紹章

先繳一半到地銷售後由府局扣繳一半岱商
事同一律應令照章舉行惟該地遠隔重洋似
應酌量變通各商到岱後或有資本偶缺艱於
措繳者姑准其憑殷實之商出具保結每觔就
地先完課釐錢二文半進口過卡時每觔再完
課釐錢二文半到地銷售再由府局每觔扣完
課釐錢五文並耗錢一文以示體恤

一場岱鹽觔已繳課釐內地卡隘請免重捐也查
現定鹽觔課釐核計各商鹽本數幾相埒原因

江浙兩省需餉同殷過輕則不敷分解適中定
擬飭商照章完繳分解兩省運銷各地之鹽均
已由局卡驗掣嗣後經過內地關津卡隘均請
免其重捐以示劃一

一旺銷溢額各州縣宜量予恩施書役地保亦請
酌給辦公經費也查額銷引鹽各州縣原有專
責銷不足額者照例予罰則溢額旺銷之地亦
應由局申報兩省鹽撫院量予恩施賞罰均行
庶蘇松各屬隔省辦鹽地方較易得手卽各州

縣承辦書役地保如商運旺銷溢額亦請酌給
辦公經費由各府局年終核數移縣轉給報銷
以示鼓勵倘地方官膜視鹽務稽察不力縱容
私販出沒甚或別釀事端由局稟請浙鹽院會
商蘇撫院分別辦理

一 鹽餉各照舊章以免更張也查向章運鹽各所
餉兩包捆不同請仍照原定餉數核辦其課釐
亦各按餉計收

一 商鹽到地由官行挨次行銷也查向章商人運
鹽各有坐銷引地該地設有公堂爲存鹽之所
現憑票運由商隨時指地運銷應於各府州縣
先行招商開設官鹽行及官鹽分店商鹽到地
卽由府局飭行按照先後運到日期挨次銷售
其鹽價之高下卽照到鹽銷數之多寡由府局
隨時酌定牌示以期公允而便商民

一 報充官鹽行須令請帖官鹽店須令領照開張
也查各府局設立官鹽行有儲鹽派銷之責宜
召募殷實之戶呈報請領牙帖承銷官鹽不得

零售轉發官鹽店銷售按月核計銷數開摺報局備查至各市鎮官鹽店憑行加保領給執照方准開張倘有借官營私察出懲辦

一 淮鹽課釐請援照重稅鄰私之法以杜越銷也查沿江近海各口向有淮私侵灌刻既化私爲官應請查照江南淮鹽認運江西章程內載重稅鄰私之法辦理仿照抽收岱鹽課釐責成各口岸該管府局體察情形酌量加成繳局其鹽發交官鹽行挨次分三成搭售以杜越銷

一 現改票運卽以票代引也查各商配運票與鹽不得相離倘有無票之鹽及淮私冀免抽稅偷越進口希圖私售者一經各局卡查獲卽將鹽觔解交該府局發行變價照例以五成充賞原獲之人以五成充公報解

一 嘉松兩所如有紹私入口請照岱鹽辦理也查嘉所澈浦乍浦等海口間有紹私入口現辦票運松所亦應准其運銷一切查照岱鹽章程一律辦理

同治三年江蘇巡撫部院爲咨覆事准貴督鹽院咨開據總辦上海鹽局稟查浙西鹽務現在改行票運事屬創始頭緒紛繁前議章程雖已舉其大綱節目猶多未備適蘇松各府局委員同時在省公同酌議續擬各府州辦理章程二十條繕呈一面馳赴上海稟商趕緊設立總局悉心妥議以後如有應行變通之處容俟查看情形隨時請示等情到本兼署部院據此除批據稟各條均屬妥協仰卽照章試辦並候咨明江蘇撫部院暨飭鹽運

司浙江上海總局各府局遵照外咨請查照轉飭會同辦理等因並抄章程到本爵部院准此查章程內開蘇松等屬計戶授鹽試辦以來甚有功效此次甫行票鹽仍接辦計戶等語究竟試辦先在地接辦起自何時均不明晰查計戶一事上海餉鹽局前曾權宜仿辦實因元二年間各處尙未肅清江浙商民麇聚滬上丁口不可以數計闔閩喧闐幾甲天下而彼時運銷更無他路是以試辦戶鹽多就紳商舖戶導之樂從而於貧戶鄉民從

寬勿計名爲計戶實則計舖亦僅行於上海一處
今年九月票鹽議辦之始卽經本爵部院分飭餉
鹽局上海道出示停辦通行曉諭在案今該局員
等所稱接辦計戶是否係於上海停辦之後接續
辦理抑係該局另自議辦勢必徧及蘇松各屬兵
燹流離之後城鄉各戶窮乏實多卽以平時而論
民戶數口之家日食一文之鹽已足今按月交錢
數百是將於數百里內借戶鹽名目暗加一項丁
捐且逐月稽查丁口雞犬不甯其爲擾害不可究

詰怨嗟無告必致枝節另生與餉需亦復何益亟
宜妥求辦法實力緝私自然暢銷票運或議減價
敵私民間樂食官鹽則釐課自然充裕戶鹽一事
只屬權時補苴斷非可以推廣通行該總局於上
海前次辦法及已經停止緣由概不聲叙朦籠以
接辦爲詞卽預爲諉過之地殊屬非是該總局員
平時議論極不以計戶爲然一經奉委首先會稟
章程竟似專爲計戶而發亦不可解除行該總局
及會辦委員外相應咨覆爲此合咨貴督鹽院請

煩查照轉飭另議妥辦仍希示覆施行

兩浙鹽法續纂備考

卷十
條案

三毛

同治四年浙省牙釐局據廣信鹽局稟稱竊奉本局劄開准運司衙門咨開本局閏五月二十一日奉撫鹽院牌行本年閏五月十五日准兩淮鹽院咨開據江西督銷局稟浙鹽侵銷淮界請責成饒屬釐卡堵截等情到本部堂據此除批據稟浙私充斥路徑紛歧非抽稅所能收效應如所稟一概堵截卽由饒郡釐金各卡兼管遇有浙私過卡認真查緝私犯解地方官按律懲辦鹽飭解督銷局變價提賞二成餘則彙解充餉仰候劄飭江西牙

釐省局通飭遵照該局就近訪查各卡勤惰分別勸懲所請告示候另劄飭發等因並劄江西省城牙釐總局轉飭各卡認真妥辦仍飭各卡將拏獲私鹽隨時具報督銷局以核勤惰外相應抄稟咨明查照等因到本部院准此行司卽便移會牙釐總局一體查照等因奉此移局查照等因過局准此合亟劄飭劄到該局立卽遵照辦理等因奉此伏查廣信七屬地面雖入江省輿圖實爲浙鹽引地局員奉辦局務竭力整頓日望引地之內私靖

官銷各處聞私充斥派飭查拏該私販均各呈繳
江省釐票藉口鹽已抽釐准其行銷礙難究辦茲
奉前因相應仿照淮界免抽浙鹽釐金一概堵截
之法稟請轉稟撫鹽院咨請兩淮鹽院江西撫院
劄飭廣信府屬釐局卡員一體免抽閩私釐金俾
局員得以舉辦緝私不致窒礙以期引地復舊銷
數可增業經移會廣信府據情轉稟兩淮鹽院江
西撫院免抽廣信府屬閩鹽釐金實爲顧全引地
起見是否有當伏乞批示遵行等情到局據此查

廣信一屬係浙鹽引地現在浙私侵銷淮界已一
律堵截該局員所稟閩鹽侵銷廣信亦援照堵截
之法辦理係爲顧全引地起見除稟批示外擬合
移請爲此合咨運司衙門請煩查照希卽轉詳鹽
院分別轉咨兩淮鹽院江西撫院免抽閩私釐金
望切施行

同治四年浙省牙釐局爲劄飭事據衢州官鹽局
議詳竊奉劄據處郡釐局稟稱竊奉批查江山廣
豐二縣本係紹所引地應銷紹所票鹽前年試辦
抽收鹽釐是以甌鹽亦准挑至衢州銷賣現在衢
州停抽鹽釐甌鹽卽不應越銷等因伏查處郡辦
理行銷官商並運於茲兩載甌鹽僅就處屬銷售
爲數甚少聞鹽運至松遂龍各處全賴江西肩販
挑運爲數甚多以理論之聞鹽不但不能攙越衢
境抑且不能攙越處境當時司其事者只求釐金

暢旺並未計及引地也茲奉批飭所有由溫局採
買發銷之聞鹽自應一併停止惟局中核計截至
本月分止松遂龍各局現存官運聞鹽一萬三千
餘簣處屬民間從來不食聞鹽此項鹽飭無從銷
售可否批飭衢局轉飭巡查各勇丁遇有鹽販買
赴衢境查有溫處官鹽執照便可放行如無票者
卽以私論如此辦理則可迅速售出以還鹽本並
可免日多滷耗虧折之處伏乞察核批示等情到
局據此查衢州廣信均係紹所引地是以聞鹽甌

鹽不准越銷據稱現存官運閩鹽一萬三千餘簣
請飭衢局巡勇查有溫處官鹽執照卽准放行適
以開私販之漸所議殊非盡善究應如何疏銷合
亟劄飭議覆劄到該局立卽遵照會同處鹽局迅
將現存松遂龍各局官運閩鹽一萬三千餘簣是
否官爲收買應如何設法疏銷嗣後應如何杜絕
閩鹽之處尅日妥議詳覆核飭遵辦毋延等因奉
此伏查是項官運閩鹽溫處總局採買捆運到處
轉發松遂龍行銷全賴江西肩販挑運前經銷路

梗塞截至閏五月止尙存一萬三千餘簣嗣經閏
五月暨六月陸續銷售三千餘簣現在所存官運
閩鹽僅存松局一千二百八十簣遂局四千六百
七十三簣龍局三千二百九十五簣除龍局銷運
浦城一帶無礙浙鹽引地所存之數不計外松遂
兩局所存共五千九百五十三簣業經移會處郡
鹽釐局往復籌商如將松遂存數運赴衢郡銷售
柰松遂兩處距衢郡一百八十里二百餘里不等
山路崎嶇行走維艱計每人擔鹽兩簣需力錢一

千二百文不獨盤費浩大本愈重而挑夫一時未能招集且爲日既久擔運又多而沿途商運攙越轉難稽查因復會同商酌惟有就地行銷減價出售由衢處兩局分派司事一人巡丁二名前往洋口地方會同稽查驗票計箕以杜朦混之弊一面出示諭禁並飭各卡勇丁加意巡緝遇有商販閩鹽不准運赴上游則處局所存之鹽可期迅速銷售一俟松遂兩局存鹽五千九百五十三箕銷竣之後如再有閩鹽入境卽行嚴拏究辦庶可免

侵銷之虞所有松遂龍存鹽數目已經委員前往細查茲據該員回局面稟情形與處局移覆存數大畧相同至處局停止採買閩鹽又將售價減少商販無利可圖則閩鹽不禁而自絕矣是否有當詳請示遵等情到局據此查松遂兩局共存官運閩鹽五千九百五十三箕今請就地行銷減價出售事屬可行除批飭衢鹽局移知處郡局知照並批飭嗣後如再有閩鹽入境卽行嚴拏究辦外合亟劄飭劄到該局立卽移行遵照並一體嚴行查

禁毋許聞鹽再行入境以衛引地

兩浙鹽法續纂備考

卷十

條案一

聖

禁世有聞鹽再行入境以衛引地

同治四年兩浙運司牙釐局爲會議詳覆事本年
閏五月十五日奉鹽院批紹興鹽茶局詳諸義浦
給費辦巡一案呈送認銷切結並刊辦巡戳記由
奉批查諸義浦三縣年額銷鹽三萬三千餘引此
時兵燹之後戶口凋零未能副額今據詳該商等
年認八千引津貼巡費六千串溢銷尙須加貼是
巡費有無限之領而銷數無十分之三殊屬取巧
上年前署司詳請該三縣減釐包課案內責商認
完一萬二千餘引經前鹽院批飭應毋庸議在案

現在僅以此數認銷無補於課餉有妨於經費未
能照准仰鹽運使迅卽會同牙釐總局遵照指飭
悉心妥議應如何設法疏銷力籌整頓刻日詳候
核奪此繳各結戳式存詳抄發等因奉此遵查諸
義浦三縣本係紹所帑地年額銷鹽三萬六千餘
引每引完課一兩一錢七分內貼該商巡費銀一
錢誠以該三縣爲金蘭門戶而又貼近紹興場竈
私鹽易於侵灌全賴隨時巡緝自三年夏間改行
票運紹所原定章程凡有運銷金衢嚴徽廣各府

之鹽不論正地減地帑地每觔概抽課釐十二文
外抽加一耗錢一文二毫因知該三縣係走私要
隘故於破塘婁公漓渚阮江等處設立鹽卡杜其
侵灌乃辦理半年私販則堵此繞彼挑銷如故以
致半年之內僅據票運官鹽三百引當據商人稟
求減輕課釐以期減價敵私經辦紹興府局道員
稟奉前鹽院批准每觔減抽課釐正耗錢四文四
毫行之數月仍無成效時值本司委辦甯紹各捐
並令整頓鹽務當飭委員招商張承宗等商議僉

謂諸義浦三縣鹽務非巡緝斷難暢銷然地面較
廣歧路有十四處之多緝私非易該商等援照舊
案仍請每引完課一兩二錢內提巡費一錢由委
員具稟紹興鹽茶局轉稟前鹽院批司核議在委
員初辦鹽務但計減課可以減價減價可以敵私
未計該三縣緊接金蘭當防越界侵銷因而代爲
轉稟適本司自滬上回省詢悉前情堅執未允經
前署司酌議每年責令認銷鹽一萬三千三百餘
引每引除巡費認完銀一兩一錢溢補紬賠詳奉

前鹽院批以引數照舊額僅銷三分之一課釐以銀準錢較上年改票章程已減去一半難免藉官行私批飭應毋庸議仍令會同總局妥議詳辦本司當以鹽課攸關大局未便減而再減巡費固須酌貼亦須定以大數諭飭該商熟籌議覆始據該商張承宗等稟認每年包完引課八千引仍遵票運新章每飭完納八文八毫另由紹局每月貼給巡費五百串並據面稟辦巡如無成效所認八千引課該商情願賠繳倘鹽能旺銷數至一萬引以

上由局酌加巡費如能銷至一萬三千引以上加貼巡費錢一千二百串卽於本年四月初一日開巡舉辦會由牙釐局於二月間將借撥營兵辦巡緝私緣由呈報在案奉批前因伏查諸義浦三縣帑地年額銷鹽三萬三千餘引每引完課連巡費一兩一錢七分迨咸豐初年每年不過銷鹽二萬引有零多至二萬四五千引現飭該商認銷八千引較之額數誠不及十分之三然兵燹之餘戶口凋殘將半官鹽本已不行私販公然侵灌實屬今

非昔比該商等前允包課辦巡係屬暫時試辦在先尙無把握而每引三百五十五觔每觔收課八文計每引收課錢二千八百四十文外加一耗錢二百八十四文共三千一百二十四文較之從前課銀一兩一錢核以現在時價每兩一千四百三十五文數將加倍又現據該商面稟自開辦至今已捆運鹽六千餘引計四五兩月每月各銷鹽一千四百五十引雖逐月銷數多寡未能預定似是每年認銷八千之數當不止此且前次責令認完一

萬三千引係照從前課銀每引一兩一錢實計每觔完錢四文有零課本太輕必致越銷金蘭等邑每觔十三文有零之重課引地今令認完八千引係照現定新章每引正耗課錢三千一百二十四文實計每觔包完錢八文八毫斷不致再貼運挑費用越銷金蘭等邑該商等現既認銷辦巡而四五月捆銷之數亦大旺於前似應准其照辦奉批前因合將諸義浦三縣前後包引之銀錢盈絀以及今昔銷鹽之滯旺情形各緣由會銜詳覆仰祈

